

讀淮南子

陳德文

道論

淮南子之道論，乃其根本觀念。其所謂道，亦與老子之所謂道同：蓋即純任自然之義，道即是無，無即是道。無形無體，無始無終，乃道之體。故曰：

「夫靜漠者，神明之所定也；虛無者，道之所居也。」●精神訓

「道不可聞，聞而非也；道不可見，見而非也；道不可言，言而非也。孰知形之不形者乎？」●道應訓

道雖是無形無體，無始無終，然而却無所不在，無所不有。所謂，生於天地萬物之先，應行於天地萬物之中，故曰：

「夫道者，覆天載地，廓四方，析八極，高不可際，深不可測，

包裹天地，稟受無形，原流泉淖，冲而徐盈，混混滑滑，濁而徐清。故植之而塞於天地，橫之而彌於四海，施之無窮，而無所朝夕，舒之懷於六合，卷之不盈於一握，約而能張，幽而能明，弱而能強，柔而能剛，橫四維而含陰陽，絃宇宙而章三光，甚淖而澆，甚纖而微」●原道訓

「道至高無上，至稱無極，平乎準，直乎繩，圓乎規，方乎矩，包裹宇宙而無表裏，洞同覆載而無所礙」●繆稱訓

「天道玄默，無容無則，大不可極，深不可測，尙與人化，知不能得」●主術訓

「可以弱，可以強，可以柔，可以剛，可以陰，可以陽，可以竅，可以明，可以包裹天地，可以應待無方」●道應

夫道之體既如是，則彌宇宙，亘古今，無往而非道之所在矣。故凡萬物之生息長養，與夫自然界之一切現象，殆無能自外於斯道者。是道之用，直羅萬古而支配之也。是即所謂，道者，天地萬物之本源者也。故曰：

「古未有天地之時，惟象無形，窈窈冥冥，芒艾濛濛，瀕濛鴻洞，莫知其門。有二神混生，經天營地，孔乎莫知其所終始，滔乎莫知其所止息。於是乃別爲陰陽，離爲八極，剛柔相成，萬物乃形。」●精神訓

「山以之高，淵以之深，獸以之走，鳥以之飛，日月以之明，星曆以之行，麟之以游，鳳以之翔。」●原道訓

「其德優天地而和陰陽，節四時而調五行，响喻覆育，萬物羣生

，潤於草木，浸於金石，禽獸碩大，毫毛潤澤，羽翼奮也；角觝生也，獸胎不羶，鳥卵不黷，父無喪子之憂，兄無哭弟之哀，童子不孤，婦人不孀，虹蜺不出，賊星不行，含德之所致也」●原

道訓

道既是萬物之本源，萬物乃因道而生●是則萬物皆宜順其自然，以聽命於道，而不必強加干涉也●蓋道雖無所不在，而應變無窮，却又無形無體，無始無終；以人力推求之，安所得其邊際，不徒無益，直自勞形耳●順其自然，以聽命於道，是謂無爲，故曰：

「是故天下之事，不可爲也，因其自然而推之；萬物之變，不可究也，乘其要歸之趣●夫鏡水之與形接也，不設智故而方圓曲直弗能逃也●是故響不肆應，而景不一設，叫呼仿佛，默然自得」

●原道訓

「故達於道者，及於清靜，究於物者，終於無爲」●

「木處榛巢，水居窟穴，禽獸有芄，人民有室，陸處宜牛馬，舟行宜多水；匈奴出穢裘，于越生葛絺，各生所急，以備燥濕，各因所處，以禦寒暑，並得其宜，物便其所●由此觀之，萬物固以自然，聖人又何事焉」●原道訓

道既是無爲，既是自然，故其政治哲學，人生哲學，亦全本於此●

